

Dornskridoù Milin : Kanaouennoù

80. AR SPILHEN

1. Ia, gant eul lomik gwin gwenn
betek hanter va gweren,
var bek eur spilhen e rafenn
eur zon keit hak eur gwalen
Chetu va lomik gwin eved
chetu va zon komanset.

2. C'houi oll pere a ra spilhou
hak ho renk ha gouchadou
c'hui oll pere dre ar foariou
ha ren, ha vez, ha brenn spilhou,
Sikour, ... c'hoant a zo e rafenn
eur zon var bek eur spilhen.

3. Pourmenit dre ann oll broiou
e pep leac'h euz pilhou° ° Komp. : spilhou
Spilhou aour, spilhou arc'hant,
Spilhou var alc'hous livet koant,
ha spilhou braz ha spilhou krenn,
spilhou du, spilhou melen.

4. E pep stad hak e pep amzer
ar spilhou 'zo neseser,
d'ar varkizez, d'er rouarez,
d'ar baourez keaz artizancz
enn noz kerkoulz hak enn deiz,
her gosni, her iaouankiz.

5. Pa za Jannedik d'ann dansou
raktael e klask he spilhou,
enn he c'houef e laka peder,
ha teir enn he mouchoer,
enn he briniden e laka
spilhou, spilhou hep kounta.

6. A vechou oll labour ann den
a zepand dioud eur spilhen
enn ho taouarn pa vez eunn dren
e karfac'h he lamet soudan
gant petra e lamot eun dren
nemet gant bek eur spilhen.

7. Karguet ar c'hornad ha taned
ma tourm chetu c'hui nec'hed
ma ne ro avel ho piben
e chachit warnizi e ven
petra ho lamo a anken
nemed beguik eur spilen.

8. Eur charakter enn eur grec'hen
pe skoliet enn eur voulejen
gant petra en em zikouro
na gant petra ec'h avanso
hag he guezek hag he otren
nemet gant bek eur spilhen.

9. Deac'h e veliz eur buguel
o klask chaokat biguerniel,
Paotrik, del; kemer eur spilen,
ha goude-se gra evel-hen.
holla! eme ar paotr louen,
vive beguik ho spilen !

10. Na glaskit ket taboulinou
da zevel paotredigou
na da zevel skolaerien,
chetu ama ar gwir voyen,
plantit sioul enn ho fesken
beguik eur spilen.

11. Eunn den o vont da besketa
a ve fae bras gant-ha
klask eur fuzuil pe eur zabren,
petra a glasko-'ta va den ?
eur prenvik pe eur gueillenen
laket var bek eur spilen.

12. Mar chom gant ann dud a visiou
ho buez hag ho madou
a guement-se int dleourien
alies da vek eur spilhen
a chetu ama ar breuven
vive beguik va spilen !

13. Enn noz ataket ti eunn den
e kemer eur bistolen
Chat: stouet eo toul ann oaled
hen distouva et a 'zo red
biken er meáz ne da he denn
nemed gant bek eur spilhenn.

Dornskridoù Milin : Kanaouennou(Ar spilhen)

14. Eur veac'hōm'hen deuz gant eur spilhen ° komp.:
distouvet toul ar c'hreunen ux wech
eo'h avanz hardi, hak e tenn...
al laeron spontet en em denn
he vuez 'ta hak he voyen
a dle da vek eur spilhen.
15. Evelse ne veler archer
fuzuiller na kanolier
n'ho defe stak gant eur chaden
oud ho habijou eur spilhen
hag eunn arme a gant mil den
a c'houlen kant mil spilhen.
16. Ann nadoz a zo demezel
ganed a lignez huel
c'hoant he defe da lavaret
e zeo kar tost d'ar Vourbonet
ha gouskoude e rank goulen
sikour oud bek eur spilen.
17. Al labourer, ar pinvidik
ann artizan reuzeudik
ar jeneral er c'hombajou
ar roue e penn he stadou
e pep afer e klask pep den
tenna beguik he spilhen.
18. Eur c'halvez a raio eur c'har
eur c'hillorou, eunn alar,
mez evid ober eur spilhen
e zeo red kaout tri zen
meur a hini a zreb bara
ne c'houzont ket ann dra-ma.
19. hunan a daill hed ar spilhen
he eün hak he c'hempenn
gant neud laiton enn dro d'he fenn
eunn all a ra eur gurunen
eunn all oud eur mean higolen
a lem beguik ar spilhen.
20. Evelse en em zivuzen
o rima var eur spilhen
bek e deuz, gwir eo, va spilen,
Mez ne biko den birvik
vive ! eta evit bikenr.
vive ! beguik va spilhen.

Mr le Roux ptre

vvvvvvv

(Erwan-Mari ar Rouz a zo bet ganet d'an 29 a viz kerdu 1760 e Sant Tegoneg; beleg d'ar 24 a viz gwen-golo 1785, e voe anvet da berson e Komana d'ar 14 a viz cost 1789. E-pad an Dispac'h e klaskas repu e Jersey hag e Bro-Spagn. Distroet er vro gant ar C'honkordad e teu endro e Komana. Goude bezaf bet person Plouzevede e vo rener Sant Jozeb e Kastell-Paol-Roet e zilez gantañ d'an 19 a viz gouere 1836 e varvo e Sant Joseb d'an 23 a viz meurzh 1837. Douaret zo bet e Sant Tegoneg. Hiniennou all eus e rimadelloù a zo en dornskridoù Ledan e Montroulez.)